

田
邦
華
書





山中白雲卷七

西秦玉田生張炎叔夏

廣陵

江昱賓谷疏證
江恂于九參較

法曲獻仙音題姜子野雪溪圖

梅失黃昏雁驚白晝脈脈斜飛雲表絮不生萍水疑浮
玉此景正宜舒嘯記夜悄曾乘興何必見安道繫船
好想前村未知甚處吟思苦誰游灞橋路杳清飲一瓢
寒又何妨分傍茶竈野屋蕭蕭任樓中低唱人笑漸東
風解凍怕有桃花流到
浣溪紗寫墨水仙二紙寄曾心傳并題其上

昨夜藍田采玉游向陽瑤草帶花收如今風雨不須愁
零露依稀傾鑿落碎瓊重疊綴搔頭白雲黃鶴思悠

悠

又

半面妝凝鏡裏春同心帶舞掌中身因沾弱水褪精神
冷豔喜尋梅共笑枯香羞與佩同初湘臯猶有未歸

人

馬臻霞外詩集集句題張玉田畫水仙賞月吟風不
要論曳裙何處覓王門誰人得似張公子粉蝶如知
合斷魂

一枝春爲陸浩齋賦梅南

竹外橫枝竝闌干試數風纔一信么禽對語彷彿醉眠

初醒遙知是雪甚都把暮寒消盡清更潤明月飛來瘦
卻舊時疏影東閣謾撩詩興料西湖樹老難認和靖
晴窗白好勝事每來猶領融融向暖笑塵世萬花猶冷
須釀成一點春腴暗香在鼎

水調歌頭

寄王信父

白髮已如此歲序更駸駸化機消息莊生天籟雍門琴
頗笑論文說劍休問高車駟馬袞袞黃金螿在元無
夢水競不流心絕交書招隱操惡圓箴世塵空擾脫
巾挂壁且松陰誰對紫微閣下我對白蘋洲畔朝市與
山林不用一錢買風月短長吟
南樓令送杭友

聚首不多時，煙波又別離。
有黃金應鑄，相思折得梅花。
先寄我山，正在裏湖西。
風雪脆荷衣，休教鷗鷺知。
鬢絲絲猶混塵泥，何日束書歸。
舊隱只恐怕，種瓜遲。

南鄉子 竹居

愛此碧相依，卜築西園隱逸時。
三徑成陰門可款，幽棲蒼雪紛紛，冷不飛。
青眼舊心知，瘦節終看歲晚期。
人在清風來往處，吟詩更好，梅花著一枝。

朝中措

清明時節雨聲譁，潮擁渡頭沙。
翻被梨花冷看，人生苦戀天涯。
燕簾鶯戶，雲窗霧閣，酒醒啼鴉。
折得一枝楊柳，歸來插向誰家。

采桑子

西園冷冑秋干索雨透花
舞雨過花皴近覺江南無好
春杜郎不恨尋芳晚夢裏行雲陌上行塵最是多愁
老得人

阮郎歸有懷北游

鈿車驕馬錦相連香塵逐管絃瞥然飛過水秋干清明
寒食天
花貼貼柳懸懸鶯房幾醉眠醉中不信有啼
鵑江南二十年

浣溪紗

艾納香消火未殘便能晴去不多寒冶游天氣卻身閒
帶雨移花渾懶看應時插柳日須攀最堪惆悵是東

闌

風入松閨元宵

向人圓月轉分明
簫鼓又逢迎
風吹不老蛾兒鬧
繞玉梅猶戀香心
報道依然放夜何妨
款曲行春錦燈重
見麗繁星水影動
梨雲今朝準擬花朝
醉柰今宵別是
光陰簾底聽人笑
語莫教遲了□青

是按元史世祖至元五年成宗大德十年仁宗延祐四年俱閏正月此詞未知何時作

踏莎行詠湯

瑤草收香琪花采采
冰輪碾處芳塵動
竹鑪湯暖火初
紅玉纖調罷歌聲送
麾去茶經襲藏酒頌
一杯清味
佳賓其從來采藥得長生
藍橋休被瓊漿弄

鷓鴣天

樓上誰將玉笛吹
山前水闊暝雲低
勞勞燕子人千里
落落梨花雨一枝
修禊近
賣餠時
故鄉惟有夢相隨
夜來折得江頭柳
不是蘇堤也皺眉

摸魚子春雪客中寄白香巖王信父

又孤吟灞橋深雪
千山絕盡飛鳥梅花也著
東風笑一夜瘦添多少
春悄悄正斷夢愁詩忘卻
池塘草前村路
杳看野水流冰舟閒渡口
何必見安道慵登眺脈脈
霏霏未了寒威猶自清峭
終須幾日開晴去無奈此時
懷抱空暗惱料酒興歌情未肯隨
人老惜花起早拚醉
忘歸接離更好一笑任傾倒

滿江紅已酉春日

老子今年多準備吟牋賦筆還自喜錦囊添富頓非疇
昔書冊琴棋清隊仗雲山水竹閒蹤迹任醉筇游屐過
平生千年客回首夢東隅失乘興去桑榆得且怡然
一笑探梅消息天下神仙何處有神仙只向人間覓折
梅花橫挂酒壺歸白鷗識

昱按已酉元武宗至大二年玉田生於宋理宗淳祐
戊申是時蓋年六十二云

木蘭花慢元夕後春意盎然頗動游興呈雪川吟社諸

公

錦街穿戲鼓聽鐵馬響春冰甚舞繡歌雲懼情未足早
已收燈從今便須勝賞步青青野色一枝藤落魄花閒

酒侶温存竹裏吟朋
休憎短髮鬢鬢游興懶我何曾
任蹴踏芳塵尋蕉覆鹿自笑無能清狂尙如舊否倚東
風嘯詠古蘭陵十里梅花霽雪水邊樓觀先登

太平寰宇記雪溪在烏程縣東南一里凡四水合爲一溪弘治湖州府志卽定安門內江子雁是也雪然有聲故謂之雪溪又謂之雪川

又用前韻呈王信父

江南無賀老看萬壑出清冰想柳思周情長歌短詠密
與傳燈山川潤分秀色稱醉揮健筆剡溪藤一語不談
俗事幾人來結吟朋堪憎我髮鬢頻賦曲舊時曾
但春蚓秋蛩寒籬晚砌頗歎非能何如種瓜種秫帶一
鉏歸去隱東陵野嘯天風兩耳翠微深處孫登

浪淘沙

寒食不多時，燕燕纔歸。杏花零落水痕肥。淺碧分山初過雨，一霎晴暉。閒折小桃枝，蝶也相隨。晚妝不合整蛾眉。驀忽思量張做畫，又被愁知。

臨江仙懷辰州教授趙學舟

一點白鷗何處去，半江潮落沙虛。淡黃柳上月痕初。遐觀情悄悄，凝想步徐徐。每一相思千里夢，十年有此相疏。休休寄雁問何如。如何休寄雁，難寫絕交書。

壺中天

繞枝倦鵲鬢蕭蕭，肯信如今猶客。風雪荷衣寒葉補，一點燈花懸壁。萬里舟車，十年書劔，此意青天識。泛然身

世故家休問清白 卻笑醉倒衰翁石牀飛夢不入槐
安國只恐溪山游未了莫歎飄零南北滾滾江橫嗚嗚
歌罷渺渺情何極正無聊賴天風吹下孤笛

謁金門

晚晴薄一片杏花零落縱是東風渾未惡二分春過卻
可怪寒生池閣下了重重簾幕忽見舊巢還是錯燕
歸何處著

清平樂

采芳人杳頓覺游情少客裏看春多草草總被詩愁分
了去年燕子天涯今年燕子誰家三月休聽夜雨如
今不是催花

漁家傲病中未及過毘陵

門掩新陰孤館靜楊花卻解來相趁幾日方知因酒病
無膠甚腕巾挂壁將書枕見說落紅堆滿徑不知何
處游人盛自笑扁舟猶未定清和近尋詩已約蘭陵令

又

辛苦移家聊處靜埽除花徑歌聲趁也學維摩閒示病

迂疏甚松風兩耳和衣枕頗倦扶筇尋捷徑東牆藹

藹紅香盛少待搖人波自定蓬壺近且呼白鶴招韓令

壺中天白香巖和東坡韻賦梅

苔根抱古透陽春挺挺林閒英物隔水笛聲那得到斜

日空明絕壁半樹籬邊一枝竹外冷豔凌蒼雪淡然相

對萬花無此清傑
還念庾嶺幽情
江南聊折贈行人
應發寂寂西窗閒
弄影深夜寒燈明滅
且浸芳壺休簪
短帽照見蕭蕭髮
幾時歸去朗吟湖上香月

豈按此東坡赤壁大江東去詞韻

南樓令題聚仙圖

曾記宴蓬壺
尋思認得無醉歸來事已模糊
忽對畫圖如夢寐
又因甚下清都
拍手笑相呼
應書縮地符
恐人閒天上同途
隔水一聲何處笛
正月滿洞庭湖

清平樂題墨仙雙清圖

丹北瑤草不許秋風掃
記得對花曾被惱
猶似前時春好
湘臯閒立雙清
相看波冷無聲
獨說長生未老不

知老卻梅兄

浪淘沙余畫墨水仙并題其上

回首欲婆娑
淡掃修蛾
盈盈不語
柰情何
應恨梅兄
攀弟遠雲隔山阿
弱水夜寒多
帶月曾過羽衣飛
過染餘波
白鶴難招歸
未得天關星河

西江月題墨水仙

縹緲波明洛浦
依稀玉立湘臯
獨將蘭蕙入離騷
不識山中瑤草
月照英翹楚楚
江空醉魄陶陶
猶疑顏色尚清高一
笑出門春老

壺中天懷書友

異鄉倦旅問扁舟
東下歸期何日
琴劍空隨身萬里
天

地誰非行客李杜飄零羊曇悲感回首俱陳迹
羈懷難寫豆蟲吟破孤寂柳外門掩疏陰佳人何處溪上
翫花白留得一方無用月隱隱山陽聞笛舊雨不來風流
雲散惟有長相憶雁書休寄寸心分付梅驛

甘州和袁靜春入杭韻

聽江湖夜雨十年燈孤影尙中洲對荒涼茂苑吟情渺
渺心事悠悠見說寒梅猶在無處認西樓招取樓邊月
同載扁舟明日琴書何處正風前墜葉草外閒鷗甚
消磨不盡惟有古今愁總休問西湖南浦漸春來煙水
入天流清游好醉招黃鶴一嘯清秋
風入松與王彥常游會仙亭

愛閒能有幾人來松下獨徘徊清虛冷淡神仙事笑名
場多少塵埃漱齒石邊危坐洗心易裏舒懷劃然長
嘯白雲堆更待月明一瓢春水山中飲喜無人踏破
蒼苔開了桃花半樹此游不是天台

都穆南濠集游張公洞記洞東南數百步至會仙巖
孤峰側立數仞橫理若鑿道士言昔人見一叟倚石
遜形而入因以名巖空洞有泉潄潄可聽一斷碑臥
草際乃元延祐四年重修會仙亭記

又酌惠山泉

一瓢飲水曲肱眠此樂不知年今朝忽上龍峰頂卻元
來有此甘泉洗卻平生塵土慵游萬里山川照人如
鑑止如淵古竇暗涓涓當時桑苧今何在想松風吹斷
茶煙著我白雲堆裏安知不是神仙

獨孤及惠山寺新泉記寺居西神山之麓山小多泉山下有靈池其泉伏湧潛洩無止無竇始發表丈之沼疏為懸流及于禪牀周于僧房灌注于德池滌洞于法堂

浪淘沙題陳汝朝百賢畫卷

玉立水雲鄉爾我相忘披離寒羽庇風霜不趁白鷗游
海上靜看魚忙應笑我淒涼客路何長猶將孤影侶

斜陽花底宛行無認處卻對秋塘

戴表元刻源集題陳汝朝百賢圖葦折荷枯可柰何西風吹影淨婆娑徵君作此超搖趣一箇江天也厭多

祝英臺近題陸壺天水墨蘭石

帶飄飄衣楚楚空谷飲甘露一轉花風蕭艾遽如許細
看息影雲根淡然詩思曾口被生香輕誤此中趣能

消幾筆幽奇羞掩眾芳譜薛老苔荒山鬼竟無語夢游

忘了江南故人何處聽一片瀟湘夜雨

显按陸行直於書畫題跋中或云題于壺中或云題于壺中天至珊瑚網跋則直云壺天居士是壺天固行直號也且此集四卷有壺中天題陸性齋小蓬壺詞并知性齋亦行直耳蓋行直吳中高士隱居分湖嗜法書名畫亦精繪事玉田没至治閒作碧梧蒼石圖猶倦倦追悼玉田集中與行直交涉之作不一故稱謂錯出云

臺城路夏壺隱壁閒李仲賓寫竹石趙子昂作枯木娟

淨峭拔遠返古雅余賦詞以述二妙

老枝無著秋聲處蕭蕭倦聽風雨暗飲春腴欣榮晚節
不載天河人去心存太古喜冰雪相看此君欲語共倚
雲根歲寒羞竝歲寒所當年曾見漢館卷簾頻坐對

飛夢湘楚歎我重來何堪如此落葉空江無數盤桓
撫似冉冉吹衣頗疑非霧素壁高堂晉人清幾許

蘇天爵滋溪集李衍字仲賓世為燕人起家將仕佐
郎太常太祝皇慶元年為吏部尚書拜集賢殿大學
士翰墨餘暇善圖古木竹石贈翰林學士承旨追封
薊國公謚文簡圖繪寶鑑號息齋道人薊北人
續弘簡錄而使交趾深入竹鄉于竹之形色情狀辨
析精到作畫竹墨竹二譜趙孟頫松雪齋集吾友
仲賓為此君寫真冥搜極討蓋欲盡得竹之情狀二
百年來以畫竹稱者皆未必能用意精深如仲賓也
元史本傳趙孟頫字子昂太祖之後四世祖伯圭
賜第湖州故為州人至元二十三年程鉅夫訪遺逸
于江南以孟頫入見神采煥發世祖喜授兵部郎中
累遷集賢直學士仁宗在東宮知其名累拜翰林學
士承旨榮祿大夫以字呼之而不名至治二年卒追
封魏國公謚文敏所著尚書注琴樂原以書名天下
其畫山水木石花竹人馬尤精緻楊載趙公狀扁
燕處曰松雪齋自號松雪道人昱按題中遠返返
字恐是追字之訛

<p>漢書卷一百一十一 西域傳第六十一</p>	<p>漢書卷一百一十二 西域傳第六十二</p>	<p>漢書卷一百一十三 西域傳第六十三</p>	<p>漢書卷一百一十四 西域傳第六十四</p>	<p>漢書卷一百一十五 西域傳第六十五</p>	<p>漢書卷一百一十六 西域傳第六十六</p>	<p>漢書卷一百一十七 西域傳第六十七</p>	<p>漢書卷一百一十八 西域傳第六十八</p>	<p>漢書卷一百一十九 西域傳第六十九</p>	<p>漢書卷一百二十 西域傳第七十</p>	<p>漢書卷一百二十一 西域傳第七十一</p>	<p>漢書卷一百二十二 西域傳第七十二</p>
-----------------------------	-----------------------------	-----------------------------	-----------------------------	-----------------------------	-----------------------------	-----------------------------	-----------------------------	-----------------------------	---------------------------	-----------------------------	-----------------------------

山中白雲卷八

西秦玉田生張炎叔夏

廣陵

江昱賓谷疏證
江恂于九參較

長亭怨別陳行之

跨匹馬東瀛煙樹轉首十年旅愁無數此日重逢故人
猶記舊游否雨今雲古更秉燭渾疑夢語袞袞登臺歎
野老白頭如許歸去問當初鷗鷺幾度西湖霜露漂
流最苦便一似斷蓬飛絮情可恨獨棹扁舟浩歌向清
風來處有多少相思都在一聲南浦
憶舊游寓毘陵有懷澄江舊友

笑銘崖筆倦訪雪舟寒覓里尋鄰半掩開門草看長松
落蔭舊榻懸塵自憐此來何事不爲憶鱸尊但回首當
年芙蓉城裏勝友如雲思君度遙夜謾疑是梅花檐
下空巡蝶與周俱夢折一枝聊寄古意殊真渺然望極
來雁傳與異鄉春尙記得行歌陽關西出無故人
踏莎行郊行值游女以花擲水余得之戲作此解

花引春來手擎春住芳心一點誰分付微歌微笑驀思
量瞥然拋與東流去帶潤偷拈和香密護歸時自有
留連處不隨煙水不隨風不教輕把劉郎誤

浪淘沙作墨水仙寄張伯雨

香霧溼雲鬢蕊佩珊珊酒醒微步晚波寒金鼎尙存丹

己化雪冷虛壇 游冶未知還鶴怨空山瀟湘無夢繞

叢蘭碧海茫茫歸不去卻在人間

姚綬鼓庵集錢塘張雨又名天雨字伯雨號貞居子
宋崇國公九成之裔年二十八開元宮從真人上壽
衍為道士趙松雪贈以雲麾碑法之書果超越詩宗
杜文學韓或引敗筆點綴水石人物亦自賞適壽衍
借入朝被璽書賜驛傳自誓不更出因三茅有招赴
之因號句曲外史出茅嶺歸陽德館手營墓于靈石
西湖之陰所著山集碧巖玄會錄尋山誌玄史 昱
按雨有貞居詞一卷鈔本汲古閣刻詩集詞未附載

西江月 同前

落落奇花未吐離離瑤草偏幽蓬山元是不知秋卻笑

人閒春瘦 瀟灑寒犀麈尾玲瓏潤玉搔頭半窗晴日

水痕收不怕杜鵑啼後

珍珠令

桃花扇底歌聲杳，愁多少，便覺道花陰閒了。因甚不歸來，甚歸來不早。滿院飛花，休要婦待留與薄情知道。怕一似飛花和春都老。

壺中天壽月溪

波明畫錦看芳蓮，迎曉風弄晴碧。喬木千年長潤，屋清蔭圖書琴瑟。龜甲屏開，鰕鬚簾卷，瑤草秋無色。和熏蘭麝綵衣，攏擁詩伯。溪上燕往鷗還，筆牀茶竈，邛竹隨游屐。閒似神仙閒最好，未必如今閒得。書染芝香，驛傳梅信，次第來雲北。金尊須滿月光長，照歌席。

昱按宋人壽詞雖出名手亦必沾帶俗氣如此作雅潤清麗頓覺習語一空後南樓令尤為特絕始知指迷所論洵非虛言

摸魚子爲卞南仲賦月溪

遡空明霽蟾飛下湖湘難辨遙樹流來那得清如許不
與眾流東注淨淨字任消息虛盈壺內藏今古停杯問
取甚玉笛移宮銀橋散影依舊廣寒府 休凝佇鼓枻
漁歌在否滄浪渾是煙雨黃河路接銀河路炯炯近天
尺五還自語柰一寸閒心不是安愁處凌風遠舉趁冰
玉光中排雲萬里秋艇載詩去

黃氏書曰卞南仲字應午長興人著溪居集又江行集
昱按此則南仲其字也錄以備考

好事近贈笑倩

蔥蒨滿身雲酒暈淺融香頰水調數聲嫺雅把芳心偷
說 風吹裙帶下階遲驚散雙蝴蝶佯撚花枝微笑溜

晴波一瞥

小重山煙竹圖

陰過雲根冷不移
古林疏又密
色依依何須噴飯笑
當時篔簹谷盈尺
小鵝溪展玩似堪疑
楚山從此去望
中迷不知何處倚
湘如空江晚長笛一聲吹

蝶戀花秋鶯

求友林泉深密處
弄舌調簧如問春
何許燕子先將雛
燕去淒涼可是歌來暮
喬木蕭蕭梧葉雨
不似尋芳
翻落花心露認取
門前楊柳樹數聲須入新年語

南樓令壽月溪

天淨雨初晴
秋清人更清
滿吟窗柳思
周情一片香來

松桂下長聽得讀書聲
閒處卷黃庭年年兩鬢青
佩芳蘭不繫塵纓
旁取溪邊端正月對玉兔話長生

豈按卷為摸魚子詞月溪卽卞南仲

風入松溪山堂竹

別本作子昂竹石卷子

新篁依約佩初搖
老石潤山腰
逸人未必猶酣酒
正溪頭風雨瀟瀟
礪齒猶隨市隱
虛心肯受春招
從教三徑入漁樵
對此覺塵消
娟枝冷葉無多
子伴明窗書卷
詩瓢清過炎天
梅蕊淡欺雪裏
芭蕉

豈按六卷風入松有題蔣道錄溪山堂詞當時子昂或為作圖而玉田題之亦未可知則別本題亦非無謂正可竝存

踏莎行跋伯時弟撫松寄傲詩集

水落槎枯田荒玉碎夜闌秉燭驚相對故家人物已無
傳一燈卻照清江外色展天機光搖海貝錦囊日月
奚童背重逢何處撫孤松共吟風月西湖醉
聲聲慢中吳感舊

因風整帽借柳維舟休登故苑荒臺去歲何年游處半
入蒼苔白鷗舊盟未冷但寒沙空與愁堆謾歎息問西
門灑淚不忍徘徊眼底江山猶在把冰絃彈斷苦憶
顏回一點歸心分付布韞青鞵相尋已期到老那知人
如此情懷悵望久海棠開依舊燕來

又重過垂虹

聲短棹柳色長條無花但覺風香萬境天開逸興縱

我清狂白鷗更閒似我趁平蕪飛過斜陽重歎息卻如
何不口夢裏黃梁一自三高非舊把詩囊酒具千古
淒涼近日煙波樂事盡逐漁忙山橫洞庭夜月似瀟湘
不似瀟湘歸未得數清游多在水鄉

晁按垂虹見卷四聲聲慢注

又寄葉書隱

百花洲畔十里湖邊沙鷗未許盟寒舊隱琴書猶記渭
水長安蒼雲數千萬疊卻依然一笑人閒似夢裏對清
尊白髮秉燭更闌渺渺煙波無際喚扁舟欲去且與
凭闌此別何如能消幾度陽關江南又聽夜雨怕梅花
零落孤山歸最好甚閒人猶自未閒

木蘭花慢歸隱湖山書寄陸處梅

二分春是雨采香徑綠陰鋪正私語晴蛙子飛晚燕閒
掩紋疏流光慣欺病酒問楊花過了有花無啼鴉初聞
院宇釣船猶繫菰蒲林逋樹老山孤渾忘卻隱西湖
歎扇底歌殘蕉閒夢醒難寄中吳秋痕尙懸鬢影見尊
絲依舊也思鱸黏壁蝸涎幾許清風只在樵漁
清平樂蘭曰國香爲哲人出不以色香自炫乃得天之

清者也楚子不作蘭今安在得見所南翁枝上

數筆斯可矣賦此以紀情事云

□花一葉比似前時別煙水茫茫無處說冷卻西湖□
月貞芳只合深山紅塵了不相關留得許多清影幽

香不到人間

又贈雲麓麓道人

□□不了都被紅塵老一粒粟中休道好弱水竟通蓬
島孤雲漂泊難尋如今卻在□□莫趁清風出岫此
中方是無心

又題平沙落雁圖

平沙流水葉老蘆花未落雁無聲還有字一片瀟湘古
意扁舟記得幽尋相尋只在□□莫趁春風飛去玉
關夜雪猶深

臨江仙 甲寅秋寓吳作墨水仙爲處梅吟邊清玩時余

年六十有七看花霧中不過戲縱筆墨觀者出

門一笑可也

翦翦春冰出萬壑和春帶出芳叢誰分弱水洗塵紅低

回金叵羅約略玉玲瓏昨夜洞庭雲一片朗吟飛過

天風戲將瑤草散虛空靈根何處覓只在此山中

昱按甲寅元仁宗延祐九年

思佳客題周草窗武林舊事

夢裏鶯騰說夢華鶯鶯燕燕已天涯蕉中覆處應無鹿

漢上從來不見花今古事古今嗟西湖流水響琵琶

銅駝煙雨棲芳草休向江南問故家

周密武林舊事白敘乾道淳熙開三朝授受兩宮奉

親古昔所無一時聲明文物之盛號小元祐豐亨臻

泰至寶祐景定則幾于政宣矣余曩于故家遺老得

其梗概及客修門閒聞退瑞老監談前朝舊事慨耳

諦聽如小兒觀優終日夕不少倦既而曳裾貴耶耳
曰益廣朝歌暮嬉酣玩歲月意謂人生正復若此初
不省承平樂事為難遇也及時移物換憂患零追
想昔游殆如夢寐而感慨係之矣歲時檀藥酒酣耳
熱時為小兒女戲道一二未必不反以為夸言欺我
也每欲萃為一編如呂萊陽雜記而加詳孟元老夢
華而近雅病忘慵怡未能成書世故紛來懼終于不
暇紀載因披大槩雜然書之青燈永夜時一展卷恍
然類昨日常事朋游淪落如晨星霜葉而余亦老矣噫
盛衰無常年運既往後之覽者能不興慨我寤歎之
悲乎四水潛夫書

清平樂別苗仲通

柳閒花外日日離人淚憶得樓心和月醉落葉與愁俱
碎如今一笑吳中眼青猶認衰翁先泛扁舟煙水西
湖多定相逢

又過金桂軒墳園

山房
□□晴樹寒食無風雨記得當時游冶處桂底一身香
露 神仙只在蓬萊不知白鶴飛來乘興飄然歸去
人踏破蒼苔

風入松 久別曾心傳近會于竹林清話權未足而離歌

發情如之何因作此解時至大庚戌七月也

滿頭風雪昔同游同載月明舟回來又續西湖夢繞江
南那處無愁贏得如今老大依然只是漂流 故人翦
燭對花謳不記此身淨征衣冷落荷衣暖徑雖荒也合
歸休明□□煙水相思卻在并州

昱按至大庚戌元武宗至大三年

漁歌子 張志和與余同姓而意趣亦不相遠庚戌春自

陽羨牧溪放舟過罨畫溪作漁歌子十解述古

調也

○卯灣頭屋數間放船收盡一溪山聊適興且怡顏問
天難買是真閒

又

○□□□□溪流緊緊籬邊一葉舟沽酒去閉門休從
此清閒不屬鷗

又

○□□□□白雲多童子貪眠枕綠蓑莞爾笑浩然歌柰
此蕭蕭落葉何

又

□□□□半樹梅卷簾一色玉蓬萊宜嘯詠莫徘徊
興扁舟好去來

又

□□□□子同更無人識老漁翁來往事有無中卻
恐桃源自此通

又

□□□□求魚釣不得魚還自如塵事遠世人疏何
須更寫絕交書

又

□□□□濯塵纓嚴瀨磻溪有重輕多少事古今情今
人當似古人清

又

□□□□浮家篷底光陰鬢未華
停短棹艤平沙流

來恐是杏壇花

又

□□□□孤村路隔塵寰水到門
斜照散遠雲昏白

鷺飛來老樹根

又

□□年酒半酣知魚知我靜中參
峰六六徑三三此

懷難與俗人談

宜興縣志宜興縣吳荆溪地秦置陽羨又東渚溪
在縣東南三十六里舊稱兩岸多藤花春時照映水
中青綠可變故亦名菴畫溪

一翦梅

悶蕊驚寒減豔痕蜂也消魂蝶也消魂醉歸無月傍黃昏知是花村知是前村留得閒枝葉半存好似桃根不似桃根小樓昨夜雨聲渾春到三分秋到三分

南鄉子

野色一橋分活水流雲直到門落葉堆籬從不埽開尊醉裏教兒誦楚文隔斷馬蹄痕商鼎熏花獨自聞吟思更添清絕處黃昏月白枝寒雪滿村

清平樂過吳見屠存博近詩有懷其人

五湖一葉風浪何時歇醉裏不知花影別依舊空山明月夜深鶴怨歸遲此時那處堪歸門外一株楊柳折

來多少相思

朱存理鐵網珊瑚夜山圖跋約字存博號月汀杭人

嘗作教授以詩名屠約存博張模仲實孫晉康侯曹

遠仁近白庭廷玉屠約存博張模仲實孫晉康侯曹

良史之才宋芬文芳袁柄清容居士集送屠存博

分教深海水內文名三十年青衫初映綵衣鮮積薪

未許論工拙拾級那能較後先鱸舍談經周禮樂鷓

舟臨賦晉山川春風無限分攜意目斷楊花綠水邊

海環平野盡山出大江未召元司馬誰憐鄭廣文

自今師道立章薦必紛紛江左知名上惟君德最淳

明經初試吏食祿可榮觀矯矯能違世栖栖直為貧

朝廷求俊又未易捨斯人

柳梢青清明夜雪

一夜疑寒忽成瓊樹換卻繁華因甚春深片紅不到綠

水人家眼驚白晝天涯空望斷塵香鈿車獨立回風

東闌惆悵莫是梨花

南歌子 陸義齋燕喜亭

窗密春聲聚 花多水影重 只留一路過 東風圍得生香
不斲錦熏籠 月地連金屋 雲樓瞰翠蓬 惺忪笑語隔
簾櫳 知是誰調鸚鵡 柳陰中

青玉案 閒居

萬紅梅裏幽深處 甚杖屨來何暮 草帶湘香穿水樹 塵
留不住 雲留卻 住壺內 藏今古 獨清懶 入終南 去有
忙事 修花譜 騎省不須重 作賦園中 成趣 琴中得趣 酒
醒聽風雨

江珂玉珊瑚網郭天賜手鈔諸賢遺稿張玉田山中
白雲詞華胥引賦松花碧浮春蓋黃黠秋旗細芳泛
月露委殘釵煙梳高髻曾戲折幾度宿寄山房口翹
塵雲屑香入蜂鬚蜜房風味應別筍酒浮湯爰霏霏

粉黃清絕嫩苞新子憑誰香歌五粒只怕東風吹盡
長翮黃髮獨鶴歸來滿庭零亂金雪豈按汪本
載此詞稱玉田山中白雲詞此首前寫綺羅香萬里
飛霜一首後為一剪紅製荷衣一首俱見玉田集內
惟此詞不載諸選亦無之似屬玉田遺珠但此詞之
下一剪紅之上又雜以草窗齊天樂槐熏忽送一首
則此未便確指為玉田之作其或天賜手鈔時偶誤
耶未可知也因爲附入

附錄

送張叔夏西游序

戴表元

玉田張叔夏與余初相逢錢塘西湖上翩翩然飄阿錫
之衣乘織離之馬于時風神散朗自以爲承平故家貴
游少年不翅也垂及強仕喪其行資則旣牢落偃蹇嘗
以藝北遊不遇失意亟亟南歸愈不遇猶家錢塘十年
久之又去東游山陰四明天台闕若少遇者旣又棄之
西歸于是余周流授徒適與相值問叔夏何以去來道
途若是不憚煩耶叔夏曰不然吾之來本投所賢賢者
貧依所知知者死雖少有遇無以寧吾居吾不得已違
之吾豈樂爲此哉語竟意色不能無阻然少焉飲酣氣

張取平生所自爲樂府詞自歌之噫嗚宛抑流麗清暢
不惟高情曠度不可褻企而一時聽之亦能令人忘去
窮達得喪所在蓋錢塘故多大人長者叔夏之先世高
曾祖父皆鐘鳴鼎食江湖高才詞客姜夔堯章孫季蕃
花翁之徒往往出入館穀其門千金之裝列駟之聘談
笑得之不以爲異迨其途窮境變則亦以望于他人而
不知正復堯章花翁尙存今誰知之而誰暇能念之者
嗟乎士固復有家世才華如叔夏而窮甚于此者乎六
月初吉輕行過門云將改游吳公子季札春申君之鄉
而求其人焉余曰唯唯因次第其辭以爲別

元史本傳戴表元字帥初慶元奉化州人也七歲學
古詩文多奇語稍長習詞賦輒棄不肯爲咸淳中進

士乙科大德八年年已六十餘執政者薦起家信州
教授調婺州以疾辭初表元憫宋季文章萎茶而
詞軌骸慨然以振起斯文爲已任時王應麟舒岳祥
竝以文學師表一代表元皆從受業焉故其學博而
肆其文清深雅潔化陳腐爲神奇蓄而始發聞事摹
畫而隅角不露施于人者多尤自祕重不妄許與至
元大德閒東南以文章大家名重一時者惟表元而
已其門人最知名者田袁桷表元晚年翰林集賢以
修撰博士二職薦而老疾不可起年六十七卒有剡
源集行于世

送張玉田歸杭疏

袁桷

採藥神山悟朱顏之今昨呼猿靈鷲勞清夢之去來要
當青鞵布鞵徒步徑歸誰信黃絹色絲空言何補弄笛
恨邊雲滲淡坐窗惜江月淒涼落葉孤尊無復金貂之
慷慨古梅千檻空懷玉照之風流食肉之相已非解牛
之技焉用焦桐未遇斷木自慚風月江湖肯後當時之

置驛交游金石定先桑子之裹糧鄙騎驢灞上之寒遂
跨鶴揚州之願膝行而謝摑載以歸燈火話平生慰老
弟兄之白髮詩書娛晚歲還名祖父之青氈恩極無言
情陳有覲

昱按袁楠 見卷二徵招詞後

贈張玉田

仇遠

秦川公子謫仙人布袍落魄餘一身錦囊香歇玉簫斷
庾郎白髮徒傷春金臺掉頭不肯住欲把釣竿東海去
故鄉入夢忽歸來井邑依依鐵鑪步碧池槐葉玄都桃
眼空舊雨秋蕭颼太湖風月數萬頃扁舟乘興尋三高
西北高樓一杯酒與子長歌折楊柳江山信美盍便留

蓴菜鱸魚隨處有

又

袁桷

將軍金甲明如日勒馬橋邊清警蹕淮揚撤衛羽書沈

置酒行宮功第一蟬冠熊軾填高門英英玉照稱聞孫

張鑑號約齋百年文物意未盡玉田公子尤超羣紫簫

堂名玉照吹殘江水立野雉驚塵暗原隰夜攀雪柳踏河冰竟上

燕臺論得失丈夫未遇空遠遊秋風淅瀝銷征裘翩然

騎鶴歸海上一笑相問誇綢繆兩曜奔飛互朝夕璇府

森芒蝨莫測須畫紙組爲君聽落筆雌黃期破的壺中

白日常高懸道逢落魄呼醉眠清歌停雲竟慘淡倚聲

更度飛龍篇玉田爲循王五世孫時來鄞設卜肆

山中白雲校記

序

陸文圭

按牆東類稿是篇題

君生處樂郊

原本生作王郊字脫竝从

類稿

文圭

原本圭作奎从江疏

卷一

淒涼犯

蘆花句

原注一本無還字按是句多一字花字疑衍

臺城路

庚寅

原本寅作辰从江疏

三姝媚

便洗盡

原本便作使从江校

甘州

辛卯

原本作庚寅从江疏中洲原本洲作

瑣窗寒

料應也

按是句多一字料

疏影

辛卯

原本作庚寅从江疏

山校

一

渡江雲

影怯

原本怯作卻從詞綜

瑣窗寒

亂雨

燕歸

原本作歸燕從王鵬運四印齋刊本

卷二

一萼紅

餐霞

原本餐作煢從王本

月下笛

燭影

原本燭作竹從詞綜

新雁過妝樓

落英

原本英作莫從詞譜

瑤臺聚八仙

共游

按共上一字

臺城路

雲多

野翁

原本翁作雲從江疏

還京樂

誤了

按誤上一字

梅子黃時雨

相看如瘦

按是句少一字詞律作驚看相比瘦

長亭怨

笑海

花徑

原本徑字缺從曹炳曾城書室刊本

卷三

玲瓏四犯

別淚如雨

按是句多一字淚字疑衍用王粲詩風流雲散一別如雨義也

夜鶴帳空

原本作帳空夜鶴从張景祁校

淒涼犯

蕭條柳髮

原本作柳髮蕭條从張校

燭影搖紅

那裏按里疑

探芳信

蛾岫

原本岫作袖从王本按草窗詞和韻正作岫

漢柳原本模作深从王本

聲聲慢

煙堤

花陰

按陰字與末句韻復原本注一作深

甘州記天

還歎

原本還字缺从絕妙好詞

高陽臺

慶樂園

原本樂作承从江疏

西泠

書畫彙考張叔夏詞蹟泠作林

甘州花隔

西州

按州疑洲訛

大聖樂

歌酒

原注別本無歌酒字按無此二字與草窗詞合

卷四

聲聲慢

晴光

王蔽隱

原本蔽作
藉从江疏

木蘭花慢

幽棲

看白

鳥原本看字
雀脫从王本

又

萬花

遲日

原本日作
月从曹本

壺中天

穿幽

白鷺

原本鷺作露曹本
注云疑鷺從之

一萼紅

孤艷

猶帶古春風

原本帶作占古
字缺从王本

霜葉飛

清魂

原本魂下未
空格从張校

憶舊游

記瓊

何處簫

原本簫上行
驚字从王本

南樓令

重瓊

黃一峰

原本黃作挑
崇从王本

挑雲桃

原本挑作
桃从江校

踏莎行

一訊

按訊疑
當作信

卷五

摸魚子 曾戀原本戀字

瑤臺聚八仙樹春 江東原本東作頭注云一作東按是句應叶从之

甘州梅見 為小玉梅賦原本梅字在江疏翠袖空格从張校

滿江紅江上 復初原本復作

卷六

紅情 凌風原本凌作後从王本

緣意 枯香原本枯作粘从王本

南鄉子 春游原本游字缺从王本

石州慢 一搦原本搦作翫从王本

洞仙歌 茂苑原本茂下衍

小重山 曉竹圖按竹疑

木蘭花慢

二分原本二字
缺从王本

卷七

一枝春

暮寒

笑塵世

原本寒下有方空
笑字缺竝从王本

風入松

向人

□青

張校云當是踏青
踏字蓋以入作平

浪淘沙

寒食

寒食

原本食字
缺从王本

壺中天

苔根

抱古

按古疑
石訛

清平樂

丹北

波冷

原本波作破
从歷代詩餘

臺城路

歲寒句

按是句
疑有誤

卷八

臨江仙

出萬壑

按出字與下
句連用恐誤

漁歌子

入

艤平沙

原本艤作
隸从王本

山中白雲八卷廣陵江賓谷疏證本山中白雲爲陶
南村手鈔流傳晚出著錄罕及朱竹垞錄自錢庸亭
釐卷爲八龔蘅圃始刊之曹巢南重刻標曰山中白
雲詞恐非舊稱賓谷以龔本裁綴成帙其詞後所附
別本全章概未之載今于夾注一作某某而疏所不
及者一律芟去猶是江氏志也疏校諸條旣据更訂
其所未及兼取他刻參錄記之疏證尙闕五十餘事
今舉所知者條寫如左

卷二臺城路太白山人按甯波府志太白山鄞縣東
六十里視諸山爲高以太白山得名或曰近有小白
嶺故此爲太白也

又祝英臺近賦孫虛齋四雲庵之耕雲按鄞縣志耕雲亭在四明白雲山旁孫凝所居疑卽此凝蓋虛齋之名

卷三疏影題賓月圖按牆東類稿有賓月亭記亦爲永嘉葉君作圖之爲堂爲亭未可知也又按宋遺民錄梁隆吉有題葉東叔賓月堂詩是葉伯幾父字東叔本卷桂枝香賓月葉翁卽此人矣

卷四清波引橫舟爲陸垕號疏据漢泉漫稿謂義齋亦垕按崇禎南海縣志首有元大德甲辰陳大震舊序稱廉訪使江陰義齋陸公命里耆舊陳大震教授呂桂孫增修足證義齋爲垕而垕仕至廣東廉訪使

可補史闕又按牆東類稿橫舟記清暉堂之東曰梅臺臺下爲池迤北爲橫舟閣屋號橫舟殆以此

又摸魚子魏叔臯按癸辛雜識魏峻字叔高號方泉叔臯叔高或一人

又壺中天陸性齋疏謂性齋爲陸行直號按牆東類稿有性齋二首爲分湖陸提舉作分湖陸氏家譜陸大猷字雅叔號翠巖仕宋爲江浙儒學提舉子行直字季道號壺天任湖北十學士遷翰林典籍致仕不言爲提舉則性齋乃大猷非行直也分湖小識陸氏桃園在來秀里宋陸大猷別業中有翠巖亭

又風入松澄江仙刻海山圖疏謂夷堅志今所傳止

五十卷不載此事按此見夷堅丙志桃源圖條其略
云劉甫通判成都日遇異人言能刻桃源景物索斗
酒引滿入室須臾圖已成樓閣人物細如絲髮女仙
七十二各執樂具知音者按之乃霓裳法曲全部
又南樓令黃一峰按畫史彙要黃公望字子久號一
峰又號大癡道人平江常熟人山水師董源巨然晚
年變其法自成一家

卷五滿江紅韞玉傳奇按文淵閣書目月字號有韞
玉傳奇注云一部棗竹堂書目亦有是書或卽玉田
所賦

又桂枝香如心翁按厲鶚東城雜記元初虎林城東

徐文雋字如心扁其屋曰雲泉方回爲雲泉題詠見
桐江續集不止陳恕可字如心也

卷六清平樂爲伯壽題四花按趙由初保母帖跋稱
清江羅伯壽志仁同觀又大德三年重跋有云辛卯
之秋余同伯壽過浩然齋弁陽翁俾賦詩題此卷知
伯壽爲江西羅志仁卽羅壺秋也

甲寅冬十有一月日長至歸安朱孝臧記

甲國軍十萬一開口長江流與水軍在江下
自前歲五西肅志已領軍起兵也
之知余國自軍營若余余及海軍也
部其歸與志已國難及八萬五十年
各穴南軍軍則軍則軍則軍則軍則軍則
謂其辭果不出則恐其有心也
余文則海軍則軍則軍則軍則軍則軍則

龜溪二隱詞目錄

李彭老

木蘭花慢

高陽臺

一萼紅

探芳訊

踏莎行

四字令

壺中天

祝英臺近

章臺月

壺中天

法曲獻仙音

高陽臺

祝英臺近

浪淘沙

生查子

木蘭花慢

清平樂

青玉案

浣溪沙

天香

摸魚子

李萊老

惜紅衣

青玉案

揚州慢

謁金門

浪淘沙

生查子

高陽臺

木蘭花慢

清平樂

臺城路

浪淘沙

杏花天

小重山

倦尋芳

點絳脣

西江月

清平樂



龜溪二隱詞

篔房李彭老商隱

木蘭花慢

正千門繫柳賜宮燭散青煙看秀鬢芳脣塗妝暈色試
盡春妍田田滿階榆莢弄輕陰淺冷似秋天隨處餳香
杏暖燕飛斜鞦韆朱絃幾換華年扶淺醉落花前
記舊時遊冶鐙樓倚扇水院移船吟邊夢雲飛遠有題
紅都在薛濤牋聽絕殘簫倦笛夜堂明月窺簾
壺中天

登寄閒吟臺

素颿蕩碧喜雲飛寥廓清透涼宇倦鵲驚翻臺榭迴葉

葉秋聲歸樹珠斗斜河水輪碾霧萬里青冥路香深屏
翠桂邊滿袖風露煙外冷逼玻瓈漁郎歌渺擊空明
歸去怨鶴知更蓮漏悄竹裏篩金簾戶短髮吹寒閒情
吟遠弄影花前舞明年今夜玉樽知醉何處
高陽臺

落梅

飄粉杯寬盛香袖小青青半掩苔痕竹裏遮寒誰念滅
盡芳雲么鳳叫晚吹晴雪料水空煙冷西泠感彫零殘
縷遺鈿池邇成塵東園曾趁花前約記按箏籌酒戲
挽飛瓊環佩無聲草暗臺榭春深欲倩怨笛傳清譜怕
斷霞難返吟魂轉消凝點點隨波望極江亭

法曲獻仙音

官圃賦梅繼草窗韻

雲木槎枒水萍搖落瘦影半臨清淺翠羽迷空粉容羞
曉年華柱絃頻換甚何遜風流在相逢其寒晚
黯念當時看花遊冶曾錦纜移舟寶箏隨輦池苑鎖荒
涼嗟事逐鴻飛天遠香徑無人甚蒼蘚黃塵自滿聽鴉
啼春寂暗雨蕭蕭吹怨

一萼紅

寄弁陽翁

過薔薇正風暄雲淡春去未多時古岸停橈單衣試酒
滿眼芳草斜暉故人老經年賦別燈暈裏相對夜何其

汎剡清愁買花芳事一卷新詩
流水孤帆漸遠想家
山猿鶴喜見重歸北阜尋幽青津問釣多情楊柳依依
最難忘吟邊舊雨數菖蒲花老是來期幾夕相思夢蝶
飛繞蘋溪

高陽臺

寄題蓀壁山房

石筍埋雲風篁嘯晚翠微高處幽居縹簡雲籤人間一
點塵無綠深門戶啼鶻外看堆牀寶晉圖書儘蕭閒浴
硯臨池滴露研朱 舊時曾寫桃花扇弄霏香秀筆春
滿西湖松菊依然柴桑自愛吾廬冰絃玉柱風流在更
秋蘭香染衣裾照窗明小字珠璣重見歐虞

探芳訊

湖上春遊繼草窗韻

對芳晝甚怕冷添衣傷春疏酒正緋桃如火相看自依
舊閒簾深掩梨花雨誰問東陽瘦幾多時漲綠鶯枝墮
紅鴛鴦隄上寶鞍驟記草色薰晴波光搖岫蘇小門
前題字尙存否繁華短夢隨流水空有詩千首更休言
張緒風流似柳

祝英臺近

杏花初梅花過時節又春半簾影飛梭輕陰小庭院舊
時月底鞦韆吟香醉玉曾細聽歌珠一串忍重見描
金小字題情生綃合歡扇老了劉郎天遠玉簫伴幾番

鷺外斜陽闌干倚徧恨楊柳遮愁不斷

踏莎行

題草窗十擬後

紫曲迷香綠窗夢月芳心如對春風說蠻牋象管寫新
聲幾番曾試瓊壺缺 庾信書愁江淹賦別桃花紅雨
梨花雪周郎先自足風流何須更擬秦簫咽

浪淘沙

潑火雨初晴草色青青傍檐垂柳賣春餽畫舫載花花
解語綰燕吟鶯 簫鼓入西泠一片輕陰鈿車羅蓋競
歸城別有水窗人喚酒弦月初生

四字令

蘭湯晚涼鸞釵半妝紅巾膩雪初香擘蓮房賭雙羅
紈素璫冰壺露牀月移花影西廂數流螢過牆

生查子

羅襦隱繡茸玉合消紅豆深院落梅鈿寒峭收燈後
心事卜金錢月上鵝黃柳拜了夜香休翠被聽春漏
壺中天

水西雲北記前回同載高陽伴侶一色荷花香十里偷
把秋期頻數脆管排雲輕撓噴雪不信催詩兩碧筒呼
酒秀牋題徧新句誰念病損文園歲華搖落事與孤
鴻去露井邀涼吹短髮夢入蘋洲菱浦暗草飛螢喬枝
翻鵲看月中住一聲清唱醉鄉知有仙路

木蘭花慢

送客

折秦淮露柳帶明月倚歸船看佩玉初蘭囊詩貯錦江
滿吳天吟邊喚回夢蝶想故山薇長已多年草得梅花
賦了權歌遠和離舫風絃盡入吟篇傷倦客對秋蓮
過舊經行處漁鄉水驛一路聞蟬留連漫聽燕語便江
湖夜語隔鐙前潮返潯陽暗水鴈來好寄瑤牋

祝英臺近

載輕寒低鳴鶻十里杏花雨露草迷煙縈綠過前浦青
靑陌上垂楊縮絲搖佩漸遮斷舊曾吟處聽鶯語吹
笙人遠天長誰翻水西譜淺黛凝愁遠岫帶眉嫵畫闌

閒倚多時不成春醉趁幾點白鷗歸去

清平樂

合歡扇子撲蝶花陰裏半醉海棠扶不起淡日鞦韆閒
倚寶箏彈向誰聽一春能幾番晴帳底柳絲吹滿不
教好夢分明

章臺月

露輕風細中庭夜色涼如水荷香柳影成秋意螢冷無
光涼入樹聲碎玉簫金縷西樓醉長吟短舞花陰地
素娥應笑人憔悴漏歇簾空低照半牀睡

青玉案

楚峰十二陽臺路算只有飛紅去玉合香囊曾暗度榴

裙翻酒杏簾吹粉不識愁來處
燕忙鶯嬾青春暮蕙
帶空留斷腸句草色天涯情幾許
茶蘼開盡舊家池館
門掩風和雨

浣溪沙

題草窗詞

玉雪庭心夜色空
移花小檻鬪春紅
輕衫短帽醉歌重
彩扇舊題煙雨外
玉簫新譜燕鶯中
闌干到處是春風

天香

宛委山房擬賦龍涎香

擣麝成塵薰薇注露風酣百和花氣品重
雲頭葉翻蕉

樣共說內家新製波浮海沫誰喚覺鮫人春睡清潤俱
饒片腦芬馥半是沈水相逢酒邊花外火初溫翠鑪
煙細不似寶珠金縷領巾紅墜荀令如今憔悴消未盡
當時愛香意燼暖鎧寒秋聲素被

摸魚子

紫雲山房擬賦尊

過垂虹四橋飛雨沙痕初漲春水腥波十里吳歛遠綠
蔓半縈船尾連復碎愛滑捲青綃香嫋冰絲細山人雋
味笑杜老無情香羹碧澗空只賦芹美歸期早誰似
季鷹高致鱸魚相伴菰米紅塵如海丘園夢一葉又秋
風起湘湖外看采擷芳條際曉隨魚市舊遊漫記但望

裏江南秦鬢賀鏡渺渺隔煙翠

秋崖李萊老周隱

惜紅衣

寄弁陽翁

笛送西冷帆過杜曲晝陰芳綠門巷清風還尋故人屋
蒼華髮冷笑瘦影相看如竹幽谷煙樹晚鶯訴經年愁
獨殘陽古木書畫歸船怱怱又南北蘋洲鷗鷺素熟
舊盟續甚日浩歌招隱聽雨弁陽同宿料重來時候香
蕩幾灣紅玉

青玉案

題草窗詞卷

吟情老盡江南句，幾千萬垂絲。縷花冷絮飛寒食，路漁
煙鷗雨燕昏鶯曉。總入昭華譜。紅衣妝靚涼生渚。環
碧斜陽舊時樹。拈葉分題觴詠處。荀香猶在庾愁何許。
雲冷西湖賦。

揚州慢

瓊花次韻

玉倚風輕粉凝冰薄。土花祠冷無人聽。吹簫月底傳暮
草金城笑紅紫。紛紛成雨。遡空如蝶。恐墮珠塵歎而今。
杜郎還見應賦悲春。佩環何許縱無情。鶯燕猶驚悵
朱檻香消綠屏。夢渺腸斷。瑤瓊九曲。迷樓依舊沈沈夜
想覓行雲。但荒煙幽翠。東風吹作秋聲。

謁金門

春意態閒卻遠山橫黛香徑莓苔嗟粉壞鳳靴雙鬪綵
折得花枝嬾戴猶戀鴛鴦飛蓋舊恨新愁都只在東
風吹柳帶

浪淘沙

榆火換新煙翠柳朱檐東風吹得落花顛簾影翠梭懸
繡帶人倚鞦韆猶憶十年前西子湖邊斜陽吹入畫
樓船歸醉夜堂歌舞月拚卻春眠

生查子

妾情歌柳枝郎意憐桃葉羅帶綰同心誰信愁千結
樓上數殘更馬上看新月繡被怨春寒怕學鴛鴦疊

高陽臺

落梅

門掩香殘屏搖夢冷珠鈿繡綴芳塵臨水攀花流來疑
是行雲蘚梢空挂淒涼月想鶴歸猶怨黃昏黯消凝人
老天涯鴈影沈沈斷腸不在聽橫笛在江皋解佩翳
玉飛瓊煙溼荒村背春無限愁深迎風點點飄寒粉悵
秋娘滿袖啼痕更關情青子懸枝綠樹成陰

木蘭花慢

寄題蒸壁山房

向煙霞堆裏著吟屋最高層望海口翻紅林霏散白猿
鳥幽深雙岑倚天翠溼看浮雲收盡雨還晴曉色千松

逗冷照人眼底長青
閒情玉塵風生
摹繭字校鵝經
愛靜翻絳帙芸臺
几荷製蘭纓
分明晉人舊隱
掩巖扉
月午籟沈沈
三十六梯樹杪
遡空遙想登臨

清平樂

綠窗初曉枕上聞啼鳥
不恨王孫歸不早
只恨天涯芳草
錦書紅淚千行
一春無限思量
折得垂楊寄與
絲都是愁腸

臺城路

寄弁陽翁

半空河影流雲碎
亭皋嫩涼收雨
井葉還驚江蓮亂落
弦月初生
商素堂深
幾許漸爽
入雲幃翠
綃千縷
紈扇

恩疏晚螢光冷照窗戶
文園憔悴頓老又西風暗換
絲鬢無數鏡外殘砧琴邊瘦枕一一情傷遲暮故人倦
旅料渭水長安感時吟苦正自多愁砌蛩終夜語

浪淘沙

寶押繡簾斜鶯燕誰家銀箏初試合琵琶柳色春羅裁
袖小雙戴桃花芳草滿天涯流水韶華晚風楊柳綠
交加閒倚闌干無藉在數盡歸鴉

杏花天

年時中酒風流病正雨暗蘼蕪深徑人家寒食煙初禁
狼藉梨花雪影西湖夢紅沈翠冷記舞板歌裙厮趁
斜陽苦與黃昏近生怕畫船歸盡

小重山

畫檐簷柳碧如城一簾風雨裏近清明吹簫門巷冷無
聲梨花月今夜負中庭遠岫斂脩顰春愁吟入譜付
鶯鶯紅塵沒馬翠埋輪西冷曲歡夢絮飄零

倦尋芳

繚牆黏蘚糝徑飛梅春緒無賴繡壓垂簾骨有許多寒
在寶幄香消龍麝餅鈿車塵冷鴛鴦帶想西園被一程
風雨羣芳都礙逗曉色鶯啼人起倦倚銀屏愁沁眉
黛待拚千金卻恨好晴難買翠苑歡遊孤解佩青門佳
約妨挑菜柳初黃罩池塘萬絲愁靄

點絳脣

綠染春波袖羅金縷雙鷓鴣小桃勻碧香襯蟬雲溼
舞帶歌鈿閒傍鞦韆立情何極燕鶯塵迹芳草斜陽笛
西江月

海棠

綠染曉雲冉冉紅酣晴霧冥冥銀簪懸燭錦官城困倚
牆頭半影雨後徧饒豔冶燕來同作清明更深猶喚
玉靴笙不管西池露冷

清平樂

題草窗詞

日寒風細庭館浮花氣白髮潘郎吟欲醉綠暗蘼蕪干
里西園南浦東城一春多少閒情日暮采蘋歌遠夢

回喚得愁生

Faint vertical text columns, likely bleed-through from the reverse side of the page.

在軒詞目錄

瀟湘神十

滿江紅

念奴嬌

望江南

十

花犯

喜遷鶯

漢宮春

鶯啼序

明月棹孤舟

踏莎行

在軒詞

邵武 黃公紹 直翁

瀟湘神端午競渡棹歌

望湖天望湖天綠楊深處鼓齧齧好是年年三二月湖
邊日日看划船

又

鬪輕橈鬪輕橈雪中花捲棹聲搖天與玻璃三萬頃儘
教看得幾吳舫

又

看龍舟看龍舟兩隄未鬪水悠悠一片笙歌催鬧晚忽
然鼓棹起中流

又

賀靈鼉賀靈鼉幾年翠舞與珠歌
看到日斜猶未足湧金門外湧金波

又

馬如龍馬如龍飛過蘇隄健鬪風
柳下繫船青作纜湖邊薦酒碧爲筒

又

繡周張繡周張樓臺簾幕絮高揚
誰賦珠宮并貝闕懷王去後去沈湘

又

棹如飛棹如飛水中萬鼓起潛螭
最是玉蓮堂上好躍

來奪錦看吳兒

又

建雲旂建雲旂土風到處總相猶朝了霍山朝岳帝十分打扮是杭州

又

踏青青踏青青西冷橋畔草連汀撲得龍船兒一對畫闌倚徧看游人

又

月明中月明中滿湖春水望難窮欲學楚歌歌不得一場離恨兩眉峰

滿江紅花朝雨作

客子光陰又還是杏花阡陌敲枕聽一窗夜雨怎生禁
得銀蠟痕消珠鳳小翠衾香冷文鴛拆歎人生時序百
年心萍蹤迹聲不斷樓頭滴行不住街頭屐倩新來
雙燕探晴消息可煞東君多著意柳絲染出西湖色待
牡丹開處十分春催寒食

念奴嬌月

山圍寬碧月十分圓滿十分春暮正似湧金門外看添
得綠陰佳樹野闊星垂天高雲斂不受紅塵污徘徊水
影閒中自有佳處乘興著我扁舟山陰夜色渺渺流
光溯望美人兮天一角我欲凌風飛去世事浮沈人生
圓缺得似煙波趣興懷赤壁大江千古東注

望江南雨

思晴好去上竹山窠自古常言光霽好如今卻恨雨聲
多柰此坐愁何

又

思晴好試卜那朝晴古木荒村雲淦淦孤燈敗壁夜冥
冥不寐聽檐聲

又

思晴好小駐豈無因花上半旬春社雨松閒三宿暮山
雲轉住是愁人

又

思晴好春透海棠枝刻惜許多過時了可憐生是我來

遲不見輭紅時

又

思晴好天運幾乘除祇爲晴多還又雨誰知雨過是晴
初那得綠陰乎

又

思晴好路滑少人行早信雨能留得住儘教盡日自舟
橫直等到清明

又

思晴好我欲問花神剛道社公曠舊水一回舊也一回
新不是兩般春

又

思晴好松路翠光寒夜夜竹窠常夢到天后土幾時
乾極目霧漫漫

又

思晴好日影漏些兒油菜花閒蝴蝶舞刺桐枝上鶉鳩
啼閒坐看春犁

又

思晴好晨起望籬東畢竟陰晴排日子大都行止聽天
公且住此山中

花犯

木芙蓉

翠匳空紅鸞蘸影嫣然弄妝晚霧鬢低顫飛嫩藕仙裳
清思無限象牀試錦新翻樣金屏連繡展最好似阿環

嬌困雲酣春帳暖。尋思水邊賦娟娟。新霜口舊約西
風庭院腸斷處。秋江上彩雲輕散。憑誰向一箏過雁細
說與眉心楊柳。怨且趁此菊花天氣。年年尋醉伴。

喜遷鶯

茶蘼

亂紅飛雨。恨春心一似。騰騰悶暑。密綰柔情。暗傳芳意。
人在垂楊深宇。曉雪一簾幽夢。半點檀心。知否春不管。
想粉香凝淚。翠顰含趣。誰念芳徑。小新綠。恁恁問訊。
今何許。玉冷釵頭。羅寬帶。眼縹緲。青鸞難遇。望斷碧雲
深處。倚徧畫闌。將暮空惆悵。更江頭。桃葉溜橫波渡。
漢宮春。郡圃賞白蓮。

身到瑤池正。口水芙蓉。跼素鸞。飛綠雲。淡籠波面。鴛影

差差青冥世界向龍宮湧出江妃凝望久夜涼如水人
閒惆悵芳時池上方壺仙伯是珊珊月佩綽綽冰肌
重來碧環勝處笑引瓊卮誰歌白雪坐中客賽過玄暉
醉歸也玉繩低轉曉風輕拂荷衣

鶯啼序吳江長橋

銀雲捲晴縹渺臥長龍一帶柳絲蘸幾簇柔煙兩市簾
棟如畫芳草岸彎環半玉鱗鱗曲港雙流會看碧天連
水翻成箭樣風快白露橫江一葦萬頃問靈槎何在
空翠溼衣不勝寒日華金掌沉瀝醵花平綠文襯步瓊
田湧出神仙界黛眉脩依約霧鬢在秋波外閣噓青
蜃樓啄彩虹飛蓋蹴鼉背燈火暮相輪倒影偷睇別浦

片片歸帆遠自天際舞蛟幽壑棲鴉古木有人翦取松
江水憶細鱗巨口魚堪鱸波涵笠澤時見靜影浮光霏
陰萬貌千態蒹葭深處應有閒鷗寄語休見怪倩洗
卻香紅塵面買箇扁舟身世飄萍名利微芥闌干拍徧
除東曹掾與天隨子是我輩儘胸中著得乾坤大亭前
無限驚濤總把遙吟月明滿載

明月棹孤舟

木樨

雁帶愁來寒事早西風把鬢華吹老猛省中秋都來幾
日先自木樨開了淄淄輕陰天弄曉平白地被花相
惱一枕雲閒半窗秋曉時有陣香吹到

踏莎行

同前

蟾苑蕭疏雲巖芳馥仙娥寄種來溪曲曉煙薰上古龍
涎西風展破黃金粟 庾嶺未梅陶園休菊天教占取
清香獨膽瓶枕畔兩三枝夢回疑在瑤臺宿